

Leev Lüü,  
neet verfehren, is noch neet weer heel so wied, man  
ik will Jo vandaag al nögen, wieldsat wi tüskenin noch  
even gau na England fahren un eerst an de Dag  
torüggkomen, an de de Plattklön wesen sall. Wi  
hebben dann de Proot over “Volkslieden, Krankheiden  
un wo de Oostfreesen daarmit umgahn bünt”.  
Ik will man nu noch neet alltovööl in Vöörut uptellen,  
daar kann elk van Jo seker ok ´n Leed van singen.  
Wi komen eerst an de 06. in d´ Septembermaant weer  
binanner, dann weer in de Teeköken van de Leezder  
Möhlen, Klock 19,00 Ühr (hento laatstens 21,00 h).

Dann will ik Jo noch eevkes upmarksam maken up  
dat Plattdüütslesen an de Middeweek-Namiddag, de  
04.09. – 15 h, in de Rummel van dat Oll Raadhuus in  
Nörden angahn sall. Dat hollen wi ja all Jahr of in de  
Rahm van d´ Plattdüütsmaant. Ditmaal bün ik neet d´rbi,  
man mien lüttje Vertellsel – unner dat Thema “Familienfier”-  
hebb ik al Wilfried Ehrhardt overgeven, de leest dat  
dann vöör. Ik wünsk all ´n Bült Pläseer d´rbi un -  
dat spiet mi naar, dat ik de anner Döntjes ditmaal  
neet to hören krieg.

Ik hebb ok al maal de Rebetts för dat token Jahr  
upstellt, un will de van dat eerst halv Jahr dann nu  
ok al even utbreden:

Fr., 03.01.2020 – Uns Nahberstadt Auerk

Fr., 07.02.2020 – Oostfreeske Wapens un anner “Symbolen”

Fr., 06.03.2020 – Dat religiös Leven van de Freesen vöördat - un as - se Christen worden bünt

Fr., 03.04.2020 – Molkereen in Oostfreesland un wat se produzeerten

Fr., **08.05. 2020** – Dat oostfreeske Rheiderland (**Datum beachten!** Verlegt wegen de Maifierdag)

Fr., 05.06. 2020 – Schippen un Schippstypen

Dat, wat in d´ Märtmaant up Tapeet kummt, dat Inföhren van dat  
Christendom, is wunnerbaar, good leesbaar un good ´fundeert´ in  
dat Book van ´n Fründ van mi upschreven worden. Theodor KLUGKIST  
ut Upgant-Schott hett dat Book verfaat, dat heet “Der Geestrandbereich  
des Brookmerlands – Heidentum – Mission – Christentum”. Dat geiht ok  
um LIUDGER un dat Nörderland. Klugkist hett dat in d´ Eegenverlag  
herutgeven un hett sük dat van Spezialisten, so as Hajo Van LENGEN  
un Professor H.SCHMIDT (ut Ollnbörg) ofseegen laten. Ik breng daar  
maal ´n paar Exemplaren van mit, well dat interesseert, kann dat  
dann kopen (Kösten 25,-€).

So, dat weer ´t eerst maal, ik wünsk Jo wat Moois,  
Bit hento Fredag, de 06.09.2019 – 19,00 h  
Jo Adolf Sanders